



RECOMENDACIÓN PARA A APLICACIÓN DE TERAPIA ELECTROCONVULSIVA DURANTE O ESTADO DE EMERXENCIA SANITARIA POR COVID-19

VERSIÓN 31 DE MARZO DE 2020

Este documento estará en permanente revisión e actualización e dispoñible na páxina web corporativa do Servizo Galego de Saúde.

Ligazón: <https://coronavirus.sergas.gal/Informacion-para-os-profesionai>

Para aquelas outras cuestións non recollidas no presente documento resultarán de aplicación as medidas establecidas pola Consellería de Sanidade.

A terapia electroconvulsiva é un procedemento indicado como tratamento de formas especialmente graves de trastorno mental. Dito procedemento resulta de aplicación tras a sedación da persoa, procedemento realizado polos profesionais dos servizos de anestesia. Durante dito procedemento ten lugar a xeración de aerosois, o que da lugar a unha situación de risco de transmisión de COVID 19.

E por iso que cómpre alertar sobre esta circunstancia e establecer as seguintes recomendacións:

- 1.- Os responsables da administración de terapia electroconvulsiva nos diferentes servizos de psiquiatría revisarán de xeito individualizado a necesidade de manter a indicación do procedemento, e, se é posible, en función das necesidades e situación clínica do paciente, adaptarán a frecuencia de administración.
- 2.- As direccións asistenciais dos centros velarán polo cumprimento das medidas de seguridade axeitadas, acordes aos protocolos de aplicación estableci-





dos, para minimizar o risco de contaxio por COVID 19 durante a aplicación do procedemento.

3.- Previa a administración de terapia electroconvulsiva, avaliarase a presenza de síntomas compatibles con COVID 19 na persoa, ou de situacións de risco epidemiolóxico.

4.- Se a persoa cumpre criterios de caso posible ou confirmado por COVID-19 evitárase a administración de dito procedemento salvo situación de urxencia vital ou ausencia de outra alternativa terapéutica axeitada.

